



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### გურიის მხარე



გურიის მხარე კურორტი  
გურიის მხარე კურორტი  
ბახმარო ურეკი

ადმინისტრაციულ-ტერიტორიული მხარე დასავლეთ საქართველოში. მოიცავს კოლხეთის ბარის სამხრ. პერიფერიულ ნაწილს და მესხეთის ქედის ჩრდ.-დას. განშტოებებს. ჩრდ-ით ესაზღვრება სამეგრელო-ზემო სვანეთის მხარე, აღმ-ით –

იმერეთის მხარე, სამხრ-ით – აჭარის ავტ. რესპუბლიკა, დას-ით – შავი ზღვა. ფართ. 2033,2 კმ<sup>2</sup>. მოსახლ. 143,3 ათ. კაცი (2002). ცენტრი – ქ. ოზურგეთი (მანძილი თბილისიდან ოზურგეთამდე 321 კმ ). მხარეში არის 3 მუნიციპალიტეტი (ლანჩხუთის მუნიციპალიტეტი, ოზურგეთის მუნიციპალიტეტი, ჩოხატაურის მუნიციპალიტეტი ), 2 ქალაქი (ლანჩხუთი, ოზურგეთი), 5 დაბა (ლაითური, ნარუჯა, ურეკი, ქვედა ნასაკირალი, ჩოხატაური ), 186 სოფელი, 61 თემი. გ. მ. შეიქმნა 1994, ემთხვევა ისტ.-ეთნოგრ. მხარე გურიას. მოსახლ. 98,3% ქართველია, 0,7% – რუსი, 0,7% – სომეხი, 0,1% – უკრაინელი, 0,1% – ოსი. საშ. სიმჭიდროვეა 70,5 კაცი 1 კმ<sup>2</sup>-ზე. მოსახლ. 26,2% ცხოვრობს ქალაქში, 73,8% – სოფლად. მოსახლ. დიდი ნაწილი დასაქმებულია სოფ. მეურნეობაში. მოჰყავთ სიმინდი, თხილი, ჩაი, კურკოვანი და კაკლოვანი ხილი, ციტრუსები (მ. შ. მანდარინი), ყურძენი, მსხალი და სხვ. ხელსაყრელმა ფიზ.-გეოგრ. მდებარეობამ განაპირობა გ. მ-ის ბუნების მრავალფეროვნება. მნიშვნელოვანი კურორტებია: ბახმარო, გომის მთა, გრიგოლეთი, ნაბეღლავი, ნასაკირალი, ურეკი.

